

Ilay Voa Tsara Nafafy 01
Janoary 2020

(Hoy Jesosy :) Midera Anao Aho, Raiko ô, Tompon'ny lanitra sy ny tany, fa efa nafeninao tamin'ny hendry sy ny manan-tsaina izany, ka nasehonao tamin'ny zaza madinika ; eny, Raiko, fa izany no sitrakao.

Lioka 10. 21

Iza no namako ?

Ampahany nalaina avy tao amin'ny Filazantsara araka an'i Lioka, toko faha 10, andininy 30-37 :

Hoy Jesosy : „Nisy lehilahy anankiray nidina avy tany Jero-salema hankany Jeriko ka azon'ny jiolahy, dia nendahany ny lambany, sady nokapohiny izy, dia nilaozany, rehefa saiky ma-ty. Ary sendra nisy mpisorona anankiray nidina tamin'izany lâlana izany ; ary raha nahita an-drarahilany izy, dia nandalo azy. Ary toy izany koa ny Levita anankiray... Fa nisy kosa Sa-maritana anankiray nandeha tamin'ny nalehany ka tonga teo aminy, ary nony nahita azy, dia onena. Dia nanatona izy, ka nofeheziny ny feriny, sady nasiany diloilo sy divay ; dia nampi-taingeniny tamin'ny bibiny izy, ka nentiny ho any amin'ny tra-nom-bahiny, dia notsaboiny. Ary nony ampitson'iny dia naka denaria roa izy, ka nomeny ny tompon'ny tranom-bahiny, sady nanao taminy hoe : Tsaboy izy ; ary na ohatrinona na ohatrinona no laninao mihoatra noho ireto, dia honerako, re-hefa miverina aho. Iza moa amin'izy telo lahy no ataonao ho naman'ilay azon'ny jiolahy ? Ary hoy izy : Ilay niantra azy”.

Tantara mora azo izany, ka na ankizy aza dia efa mahata-katra azy. Tantara mampahafantatra ny halalin'ny fanda-van-tenan'i Jesosy ho tonga eo amintsika. Toy ny ao amin'io tantara io, dia te hanatona antsika tsirairay Izy : te ho Na-mantsika. Velona mandrakizay Jesosy, manatona antsika Izy, tsy kisendrasendra tsy akory, fa toy ny olona mitady an-tsika am-pitiavana mba hanafaka antsika amin'ny lafiny ara-toe-panahy. Manatanteraka izany Izy ankehitriny, amin'ny alalan'ny Filazantsara, ny Tenin'Andriamanitra „izay maha-vonjy ny fanahinareo” (Jakoba 1. 21).

Ny hafatra atolotra isanandro ato amin'ity alimanaka ity dia mba te ho toy ilay „diloilo” sy ilay „divay”, mitondra fa-nafahana, fanasitranana, fanampiana... noho ny fiantran'i Jesosy.